

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 11. stav (2) Zakona o koncesijama - Prečišćeni tekst („Službene novine Zeničko-dobojskog kantona“, broj: 5/03), na prijedlog Ministarstva za privredu, Vlada Zeničko-dobojskog kantona, na 40. sjednici, održanoj dana 23.01.2020. godine, d o n o s i

ODLUKU

o izmjeni i dopunama Odluke o dodjeli koncesije za istraživanje metaličnih mineralnih resursa olova, cinka i barita na ležištima Veovača i Rupice-Juraševac, Brestić u općini Vareš

Član 1.

(Dopuna člana 1.)

U Odluci o dodjeli koncesije za istraživanje i eksploataciju metaličnih mineralnih resursa olova, cinka i barita na ležištima Veovača i Rupice-Juraševac, Brestić u općini Vareš („Službene novine Zeničko-dobojskog kantona“, broj: 15/12, 12/13 i 3/18) u članu 1. iza stava (1) dodaje se stav (2) koji glasi:

„Koncesija se dodjeljuje i za eksploataciju zlata, srebra i bakra kao pratećih minerala ruda olova, cinka i barita, čije je prisustvo utvrđeno u osnovnom istražno-eksploatacionom polju Rješenjem o potvrđivanju geoloških rezervi broj: 06-18-405/18 od 24.08.2018. godine i Rješenjem o potvrđivanju geoloških rezervi broj: 06-18-182/19 od 29.03.2019. godine izdatih od Federalnog ministarstva energije, industrije i rudarstva za ležišta Veovača I, Veovača II i Rupice-Juraševac, Brestić u općini Vareš.“

Član 2.

(Izmjena i dopuna člana 4.)

(1) U članu 4. stav (1) tačka b) mijenja se i glasi:

„Kontinuirana koncesiona naknada je 3,90 KM (slovima: tri konvertibilne marke i devedeset konvertibilnih pfeninga) i odnosi se na: metalične mineralne resurse olovo, cink i barit kao i na plemenite metale i bakar kao prateće minerale olova, cinka i barita.“

(2) Iza stava (2) dodaje se novi stav (3) koji glasi:

„Koncesionar je obavezan da, prije potpisivanja Aneksa IV, preda Ministarstvu za privredu 4 (četiri) ovjerene mjenice sa ovjerenim mjeničnim izjavama na iznos od po 195.000,00 KM (slovima: stotinu devedest pethiljada konvertibilnih maraka) odnosno u ukupnom iznosu 780.000,00 KM (slovima: sedamstotina osamdesetihiljada konvertibilnih maraka).“

(3) Dosadašnji stavovi (3) i (4), postaju stavovi (4) i (5).

Član 3.

(Realizacija Odluke)

Zadužuje se Ministarstvo za privredu Zeničko-dobojskog kantona da, u skladu sa ovom Odlukom i odredbama Zakon o koncesijama potpiše Aneks IV Ugovora o koncesiji, broj: 04-18-21389/13 od 12.03.2013. godine sa privrednim društvom „EASTERN MINING“ d.o.o. Sarajevo.

Član 4.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-14-1265/20

Datum, 23.01.2020. godine

Z e n i c a

PREMIJER

Mirza Ganić

DOSTAVLJENO:

1x Ministarstvo za privredu,

1x Ministarstvo za prostorno uređenje, promet i komunikaciju i zaštitu okoline,

1x Ministarstvo za poljoprivredu, vodoprivredu i šumarstvo,

1x „EASTERN MINING“ d.o.o. Sarajevo, putem Ministarstva za privredu,

1x „Službene novine Zeničko-dobojskog kantona“,

1x a/a.